

CIJEVČICA U UHU KOD DJECE


Zapaljenje uha je obična pojava

Zapaljenje uha se često javlja kad je dijete prehladeno i jedan je od najobičnijih uzroka da se djeca vode kod ljekara. Bebe također mogu oboljeti od zapaljenja uha.

Postoje dvije vrste zapaljenja – akutno zapaljenje uha (akutni otitis media) i tečnost u srednjem uhu (sekretorni otitis media). Obično oba dva tipa zapaljenja prolaze sami po sebi, ali u nekim slučajevima, posebno kod male djece, potrebno je i liječenje. U domu zdravlja vam mogu dati savjet i procijeniti što treba preduzeti.

Zbog čega izvjesna djeca imaju mnoge probleme s ušima?

Kod neke djece se često javlja više akutnih zapaljenja uha u nizu ili dugi periodi s tečnošću u srednjem uhu. Istraživači ne znaju s sigurnošću zbog čega je to tako. Postoje teorije o tome da podložnost zapaljenjima uha može biti nasljedna. Postoje i studije koje pokazuju da uho nije do kraja razvijeno prije četiri godine života, a da i to može biti od značaja.



Zbog čega se ugrađuje cijevčica u uho?

Oko 10 000 djeci godišnje ugrađuje se mala plastična cijevčica u bubnu opnu radi sprječavanja novih akutnih zapaljenja i boljeg sluha.

Kod zdravog uha iz ždrijela u srednjem uhu ulazi zrak kroz ušnu trubu. Kod zapaljenja uha ušna truba otječe i zbog toga prestaje provjetravati uho. Umjesto toga mala plastična cijevčica u bubnoj opni može propuštati zrak u srednje uho.

Kod djece koja imaju tečnost u srednjem uhu zadatak cijevčice je provjetranje srednjeg uha kako bi se osušilo tako da bi dijete ponovo moglo čuti kao i obično. U slučaju akutnog zapaljenja uha cijevčica treba smanjiti pritisak

u srednjem uhu a time i umanjiti bol tako što gnoj koji se stvara prilikom novih zapaljenja izlazi napolje.

Da li cijevčice pomažu?

Ugradnja cijevčice u uho može poboljšati sluh kod djece koja imaju tečnost u srednjem uhu duže od tri mjeseca. To pokazuje istraživanje. Studije također pokazuju da se dijete u takvim slučajevima osjeća prosto općenito bolje zahvaljujući liječenju. Kad se radi o povratnim akutnim zapaljenjima uha, t.j. više od tri epizode za šest mjeseci, istraživači još uvijek neznaju da li cijevčice u uhu imaju neki efekat. Može se desiti da se bol u slučaju novih akutnih zapaljenja umanja, ali to nije naučno proučeno.

Da li se dijete može kupati s ugrađenom cijevčicom u uhu?

Dijete se može kupati s ugrađenom cijevčicom u uhu s obzirom da normalno plivanje i igra u vodi ne povećavaju rizik od infekcije u uhu. Nije potrebno zaštititi uši kapom za kupanje ili zpušačima za uši.

Istraživanje također pokazuje da ni kapi za uši poslije kupanja nemaju nekog očitog efekta. Ovo se odnosi na normalno kupanje i plivanje. U pogledu ronjenja nisu vršena nikakva ispitivanja.

Zbog čega može uho curiti poslije terapije cijevčicom?

Često uho curi periodično vezano za ugradnju cijevčice u uho djeteta. Ovakav gnojni iscedak iz cijevčice uzrokovan je novom infekcijom u uhu. Dvije od deset novih infekcija uzrokuju temperaturu, bol i oslabljen sluh. Ljekar koji liječi dijete može dati informacije i savjete u slučaju novih infekcija.